

PROGRAM AKTIVNOSTI CENTRA ZA MIR

Sve aktivnosti "Centra za mir" Sarajevo temelje se na stavovima Opšte deklaracije o pravima čovjeka UN, Deklaracije o pravima djeteta i Helsinških dokumenata kao i na svim pravima garantovanim Ustavom i zakonima.

"Centar za mir" će se zalagati za mir svim metodama javnog djelovanja: izjavama, proglasima, grupama za pritisak, organizovanjem mirovnih skupova, mirovnih grupa i inicijativa, potpisivanjem apela i peticija, a u slučajevima težih povreda ljudskih prava pozivaće na građansku neposlušnost.

"Centar za mir" će preko svojih uglednih članova i simpatizera nastojati da institucionalnim putem utiče na zaštitu mira, osnovnih ljudskih prava i prava djeteta.

Pri "Centru za mir" ustanoviće se Služba za pravnu pomoć ljudima čija su osnovna ljudska prava ugrožena. "Centar za mir" će djelovati na uspostavljanju veza saradnje i zajedničkog djelovanja sa postojećim mirovnim organizacijama i inicijativama u BiH, Jugoslaviji i svijetu, te će koristeći njihova iskustva i pomažući i inicirajući osnivanje novih "Centara za mir" širiti prostore mira i dobre volje.

- Objavljivanje dosjea o povredama ljudskih prava u magazinu "Spektar.
- Formiranje mirovne grupe "Vozdra" i realizacija projekta "Kroz BiH i Jugoslaviju do mira"
- Djelovanje "Fonda solidarnosti za pomoć svim građanima čija su ljudska prava ugrožena"/ kao dobrotvorna institucija
- Forum mladih za širenje dobrih vibracija nastaviće na gradskim trgovima da održava neposredne kontakte s građanima i realizira mirovne akcije.